



藝文二

詩

隋年越郡蘇江縣正議大夫之碑人

竊以大暉之未分顯與之邪唐叔之餘名魯西之

國邵公思之國采棟之詩幸有良本悲觀之食

故枝流條葉從自結貞筠之條宗子維城之理月

邑故實相寓逾傳比玉之名第壹新服輝道

芳之折公巨樹在輔無七上為之上從而能政道

蹤子范之用所以繁衍陵穆盤根樹地者哉公諱

雙字翔威冀州臨淄人也公憲好自研齊叔辨之

913.633
D032
18

登記號 71231
37年 8月3日

德茂誠和誘同孟明之溫儒藻進賢常吟贈頌
嚴愛善官壘之美祖達馳千載仁風擁六奇高嶽
警加木鐸訓悅過庭梁武皇帝除定州刺史總督
九州諸軍事陳宣武皇帝又除授安州刺史久任
力德貫神皇氣衝牛斗與祀政事隋會無聞卒乖
輯睦先毅懷讓文皇帝除使持節開府儀同三司
安州諸軍節度使安州刺史宋壽縣開國侯兄長真包
山岳之志拯雲霞之襟行應管鍾義通泉涌塞惟
本土刺舉家邦節盡中朝風純面海帝授上儀同
三司欽州刺史立功於國効加官賞尋進上儀府
儀同三司欽江縣開國公食邑一千戶封申浦代

永馬專征又爲行軍總管旋有戰獬虎會之獵
清勳入司門類武安之奉詔仍轉上大將軍其年
改右光祿大夫守越郡太守爵名參塞成似班起
之官職據舊聞還若淮陰之封以晉方今盛成而
已八履端器星增萬頃之淵合駟縱容隆四學之
勸開皇十四年帝以公衣冠子有遠來入朝旣素
誠心登升戎秩授大都督厚唱縑續編加享祀以
公長榆之變李氏弼平區分細柳之擒條侯反存
無策南定交趾之川北靖蒼梧之野仁壽二年詔
公兄篤建宏宣揚國化嗣位牧民撫寧蕃部宜加
榮秩用優恆典增上儀同三司到大業二年帝以

公驟從戎踐克著嘉庸拜上儀同三司餘官如故
公沉神惟悵競年佑之謀脩備繕兒見臧宣之度
披盾三畧之精麾師九圍之勇雲梯再起魚驪興
維兄及弟陳兵林邑推鋒振揜以先啟行前茅慮
無中權後勁浮青雀以泛白波擢赤馬以排綠浪
彘軼相臨雲橫百陣靡旌摩壘有許伯之雄折賊
掉軼摸之之勢故得臥彼鼓旗投衡拔旆困獸
猶鬪鋪創新埔之江出窾陲緣之海賊艦千乘公
舟二十旭旦幟交浸霄未止公策運在標擁以樓
艇五鷁徧師擣隊得潰彼豺狼爭舟指掬芟夷撲
滅盡殪凶徒獻捷鐫地馬伏波慙色以顏獲神納

俘檀和之愧乎其道及巡歷三軍皆如挾纓聲播
百官咸仰斯茂大業二年十月馳謁承門躬親庭
闕乃受開府儀同三司卽其年改爲正議大夫公
刑儀珽越子張非其人容與督禡陸機失其侶柳
蒲早焯風爛易遷觀閱旣多靈芝是乏德章以大業
四年歲次戊辰正月十九日終于私宅春秋卅有
五嗚呼哀哉樹絕大夫之陰營息將軍之號市停
三日悲盈萬邦大息嗣叔于終于始唯明唯孝大
業五年歸舊所密松連蓋疎楊迴吟三哀念君子其

銘云余美

火紀承宗相士師農生民厥始社稷根蹤鳳凰垂

翼幽都受封支傳帝業祠墓高龍棠陰理頌周□
□祀令美闔越德隆蕃邠仁鏡長明智花恆啟遊
藝自依多能備體文著馬鞭行崇基堦義水併併
□□泚泚建國興邦純守邊壘威流五嶺勇振三
湘臨清粉溢昭穆已長惟開策運樓移勢彰梯衝
雲□□銜月光旗影飛地劍抱皇芒烽連柳塞陣
合魚陽舟移鷁轉擢動蘭芳董蒲葉盡秦糜麗張
朝□□□野號賢良鄉士唯相參與是匡搖落襄
變原隰孤平似益樹委如樓鼓橫悲悽壟谷哀慘
松聲□□□從終傳令傳名

答招學博書 遊中接手教弄見寄陪碑想見先

生摩挲古澤得平日讀史之微更足補史策所不

備喜可知已寓氏自陳隋以來世為戎帥猛力及

其子長真功業書於隋史猛力見宣宣子純純從

孫原悌俱見人物志而贊則史與志並逸其名今

碑載贊字翔威冀州臨晉人祖挺梁武帝時為安

州刺史陳宣武帝時又除授定州刺史文帝時為隋

文帝時為安州刺史開國侯兄長真為欽州刺史

開府儀同三司開國公據此則寓氏本籍冀州累

世襲官於此碑稱職撫舊間比之韓信之封淮陰

府志列入人物志宜也贊於開皇十四年大業二

年入朝累官開府儀同三司改正議大夫卒年三

十有五碑稱其淵增萬頃勤踰四學又稱其巡歷

三軍聲播百官據此則其人心文武兼資想見孫

討逆李亞子一輩人物嗟乎有大勳勞於王室奠

安海宇保障八州其食報於茲土宜何如而姓字

乃不得登於史策今神靈呵護之所存賢者表而

出之豐碑紀載勛伐昭然讀之凜凜有生氣先生

之功偉矣哉碑文樸茂銘詞尤古雅排募之氣渾

樸之質古拙之音純似漢魏人手筆字法亦雅近

鍾蔡二家隋去漢未遠故猶有兩京遺法六朝以

降不能為也允宜增入府志祈椽筆作跋語書此

碑出見所由來用以昭茲來許甯氏族姓蕃衍如
建有家廟當以此碑歸之銅鼓確是漢物相傳為
馬伏波行軍所製其實江以南援足跡所不到者
處處有之今據范志斷為彝樂信矣然於上丁有
事於論鼓鐘時用之殊覺不倫春秋譏野祭言禮
者可勿慎諸來教累千言象形指事明若列眉想
見下筆時躊躇滿志上下古今慨然有與西周法
物之想懿才碩學宏我漢京當裝以姜白什襲藏
之不敢褻也張培春

附來書 伏讀頒發志例有採訪金石一條欽州

地接交夷故屬邊鄙雖姜甯二公挺生唐代文章
事業彪炳史策而碑版流傳求之故土不少鑿且

又如唐之張公說李公邕宋之陶公弼皆嘗至
名賢所到之處草木都香乃詩句或見於他說

遺跡卒莫考焉惟道光六年七月大雨潦漲沖
石塊長四尺寬三尺農民移置路旁過者偶見

面平坦有鐫刻字痕因知洗刷字文顯露學內
生隨有攜紙就搨者知係前隋大業年間古刻

傳取其搨本檢閱首額楷書寧越郡欽江縣正議
大夫之碑十二字志銘共一千一百三十四字原

蝕去十二字末著大業五年四月字樣再讀其文

人業... 碑文... 數則... 圖鼎... 露於我

朝稽古右文之時使如古之士得摩挲千數百年以

上之石刻此亦若有數焉昔歐陽子集古錄四海

九州名山太澤窮崖絕谷荒林破冢神僊鬼怪莫

不皆在以為有益於多聞則此碑或可備經事之

一端合將揭本呈覽敬候鑑裁又欽州學宮現有

銅鼓一... 遇風雨如聞鼓聲因名曰銅鼓嶺嘉慶三年二月

土人於嶺畔犁鋤種植見土忽鬆散掘得深尺許

有物相觸成聲儘力掘之銅鼓出焉高二尺徑三

尺圓身半蓋空底而腰稍狹左右各綴一小圈若

為穿繩之用其蓋四圍環列蟾蜍以清水滌去泥

滓周體花紋畢露隨昇報州堂時知州尙牧雷貯

官解及秋滿北歸將載以行州人士固請納諸

文廟

今春秋上丁有事皆擊之鞀鞀之響徹於泮壁

元傳竊考范大成村海虞衡志其志器篇云銅鼓

古蠻人所用南邊土中時有掘得者相傳為馬伏

波所遺其製如坐墊而空其下滿鼓皆細花紋極

工綴四角有小蟾蜍兩人昇行以手拊之聲全似

鞀鼓按范志以諦審此鼓形製畢肖當為漢代所

遺無疑雖無鑄造年號要可信其為古物也夫金

石之製繁矣好古者恒嗜之甌蠻煙瘴雨之鄉樸

陋相仍前之人既無所留遺則後之人亦何自搜

採且無論其他即如銅柱遺銘明著州境考古者

亦祇管其山川按其圖記想像得之欲問其蹟渺

不可得矣抑志者記也記事者固徵其實亦提其

要多者如少者記也珍欽之金石其可得而記

者僅此存乎見少之意并此弗之錄殆所謂垂

涇於不可必之大烹而忽目前一鬻之美味也且

功時地可揆雖數千百年以上之人如晤是又烏

可也志耶元傳孤陋寡聞忝承重委得參州中分

局有官故不揣迂陳謬陳晉見藉以仰

記序

重建欽州學宮記

淳熙四年
岳霖拓

朱張 賦

安陽岳侯霖爲州之明年政通人和乃經理其州之學悉易故之卑陋廟堂齋廡次第一新佻來謁記久未暇也又明年其學之教授周去非秩滿道桂復以侯意來請且曰欽之爲邦僻在海隅地近夷而俗尙利逢掖之士蓋鮮有焉惟侯不敢以其陋而鮮加忽也故新其學以勸之且求一言以示後庶或有起也斌於是而嘆曰是可書也已夫所爲建學者固欲其士之衆也今夫通都大邑操觚習辭發策决科肩摩袂屬必如是謂之多士乎哉殆未然也夫寡國鮮士亦何足病十室之邑必有

忠信之質者焉其成就與否則係乎學與不學而已學也者所以成材而善俗也今欽雖僻而陋也其士雖鮮也然其間亦豈無忠信之質者乎無以揭之曷以昭之無以道之曷以通之爲之嚴學官於此詳其訓迪以明夫人倫之教聖賢之言行薰濡之以漸由耳目以入其心志其質之美者能不有以感發乎其所感發則將去利就義以求夫爲學之功而又以訓其子弟率其朋友則多士之方豈不庶幾乎異時人材成就風俗淳美其必由侯今日之舉有以發之請列記於學以俟

原文

七賢太守祠記

元推吳禮

廉郡城東有七賢祠列位奉祀曰孟曰謝曰蘇曰
顏曰丁曰高曰季皆前代太守德施於民者也祀
事相傳至於今弗替奈郡志毀於兵燹諸賢皆無
所考唯珠還合浦著在史冊者孟太守嘗也餘闕
名謚爵里七賢祠之設有自來矣官民每禱輒應
歲久祠壞惟木主僅存甚非所以景仰前賢慰答
民心之義也至正庚寅春通守龔侯來守是邦謁
祠下念前賢遺澤愍然於懷弗忍先祠之廢也將
捐貲鼎而新之第疑六賢不知名謚舊無繪像歲

時奉祀無以致如在之誠遠稽近訪而不能得爲
咨嗟太息者久之余始蒞事侯以是告余曰不然
前代褒封立祠吾人之精誠與先哲相感召宜神
明之佑人也如日月之經天風雨晦冥人莫之見
而照臨下土無非日月也又何待覩形容而後肅
拜瞻哉昔蕭敏中爲建陽令慕邑之前賢陳師道
陳仲修游定夫數君子文學風節爲立三賢堂祀
之去任後邑人思敏中之賢足以觀道更其榜爲
四賢堂今侯追慕七賢重建祠宇他日廉之人士
思侯之德安知七賢不可增爲八如敏中故事以

報矣於無窮也哉侯以爲然祠成余即以斯爲記

侯姓龔氏文殊奴其名也字仲葉京師人居官廉
靜忠直無愧先賢云

海角亭記

元廉州路伯顏

古合浦漢名郡也地屬南海乃百粵之分韶廣以
西朱崖以東水萬折而歸之故以海角名其涯淡
未易量也唐改郡為廉州何哉蓋謂漢有孟嘗守
政善革弊珠徒復還因易廉名以取律貪之義焉
自是牧是邦者多京師人物或以名節著或以德
行稱其為政之最者有七賢守孟居其先邦人愛
慕立祠歲祀到今不忘宋改州治於海門鎮復為
廉州領廉州合浦軍事為中州隸廣南西路夫如

是槩不可以僻遠論考之圖誌廉之境土稱善民俗稱淳詢人才當時則有水部侍郎王宮教授繼而掇巍科陟上庠者代不乏人采土物則有鹽生於湖可以充國用之須珠產於池可以廣土貢之入至若有城壁爲之藩屏有官府爲之紀綱雖隣而交趾交人俛首不敢窺瀕而大海海寇垂尾不敢犯其爲海角也假曰去天萬里孰得而眇之歟昔人以是名亭於城之西南隅陶弼有詩云驕馬客來驚路斷泛舟民去喜帆輕雖然地遠今無益爭奈珠還古有名誦其詩則知名存而不沒者係乎人勢窮而有通者係乎地惜乎亭址蕪而銘石